

北京師範大學圖書館編

北京師範大學圖書館藏

稀見清人別集叢刊

第二十三冊

GUANGXI NORMAL UNIVERSITY PRESS
廣西師範大學出版社



北京師範大學圖書館編

北京師範大學圖書館藏

稀見清人別集叢刊

第二十三冊

GUANGXI NORMAL UNIVERSITY PRESS
廣西師範大學出版社

桂林



勿待軒詩集存藁

詩話存藁

〔清〕馬先登撰

勿待軒詩集存藁·詩話存藁

《勿待軒詩集存藁》四卷，《詩話存藁》二卷，清馬先登撰，清光緒五年（1879年）敦倫堂刻本。

馬先登，生平履歷見『勿待軒文集存藁』提要。

詩集分體編次，卷一爲五、七古，卷二爲五、七絕，卷三爲五、七律，卷四爲五、七排及詞。詩作多平平，題

材構思極少標新立異處，如卷二《乞巧》謂『今夜天孫方好會，縱然有巧不須求』，唐人羅隱《七夕》已道。其遣

詞用事，亦多有重複處。只卷二《悼亡》四十首稍有可觀，如『依稀小照燈前是，不信泉臺隔鏡臺』其二，『最是蘇州

魂斷處，夜深人靜小樓空』其六等，情真意切。卷四所附詩餘，亦有稍可玩味之小詞，如《題畫岳陽樓》云：『天

悠悠，水悠悠，雲影空明夕照收，煙樹渺行舟。

蘆花秋，蓼花秋，懷沙人去不勝愁，笛聲出高樓。』

詩話及詞話，摘錄佳作佳句，間亦記本事、發抒己見，然新見亦不多。其持論本儒家詩教，主張溫柔敦厚、

無乖風人之旨。所記亦有足資考證者，卷上論明末清初詩壇數條，所記王山史，名弘撰，山史爲其號，即顧炎武所交『關中三友』之一，以志節和古文稱，詩話所摘錄詩句，蒼涼古勁，能見其人其世。卷下數條所載明清之際戰亂年月婦女所作之詩，實爲其時女性悲慘遭遇之縮影，讀之令人歎惋。卷下所錄無名氏詩，譏諷清朝捐納之濫，雖語涉粗豪，但切中時弊。

另，先登官河南時錄載許多行人旅次題壁詩，作者雖藉藉無名，然其中佳作不少。今日交通，風馳電掣，古人自是難以想見，然天涯孤旅，潑墨題壁，一抒積鬱之古典風流，亦復蕩然。先登賞鑒頗具只眼，此網羅放佚、告慰詩魂之舉，亦是功德無量事。（李鵬）

光緒己卯鐫

勿待軒詩集存藁

敦倫堂藏板

勿待軒詩集存藁

卷二

勿待軒詩集存叢卷一

大荔馬先登伯岸甫

五古

春郊漫興

雨歇疎林清空翠滋郊樹閒居賦不適偶步城隈路黃鳥嚶嚶鳴若爲春色助桃李矜更華楊柳欲飛絮下有蹋青人南陌任來去言尋洛岸客欲行復却步極目望四圍春思住何處誰其秉鋤犁紛紛不知數

昔讀田家詩儲王並擬陶今茲風日暖信步遊遠郊行行重行行恣意觀春苗春苗秀且活春雨潤如膏一聲叱犢處遠勿待軒詩集存叢卷一

風當路交河山增勝概霧淨復煙消采蕨人去否落日見漁樵獨立閒自咏薄暮返東臯

山居竟日雨過有感

東風微雨來山容淨如拭空翠撲蓮峯當窗迎旭日偶一豁眉睫四圍增碧色遠岫晴雲還深林古樹出兼之新雨餘苔蘚如潑墨萬壑松鍼細有似新沐櫛靜境無纖塵遠執事則另感茲覆簣士山徑爲茅塞不思開濛濛何以滌明德

酷暑偕友人桐閣夜坐

盡日苦炎熱夜來心頗悽同茲三五人各向椅桐靠坐列盃與盤滂葩談忠孝忠孝竟何如撫懷一大笑昊天出華月疎

光林外照野老瓜田宿款乃聞發糧快此微涼來開襟雜長少不覺更欲闌斗轉村雞叫黝然山色昏渭漲聲動搖蕭蕭白楊樹四野陰風嘯衆心肅然賦予亦狂欲詔且歸整牀榻襪被戀無覺睡鄉正黑甜曙色分窗耀念此平旦氣幾希同惡好靜坐執周易咿唔索微妙

悼旱 己丑

昨歲未逢年今春復亢旱良苗方待滋耕父肆蹂踐德大稱雨師下尺澤何緩非無片雲黑回風吹之散奔波禱龍雲戴蒲復徒跣嗟予苦力作阡側頻展轉慨彼炎日踰千里同修膜且歌雲漢詩聊以攄憂瘼

勿待軒詩集存叢卷一

二

聞蛙

耿耿銀河橫夜來枕簟清萬籟時俱寂偶此池蛙鳴積潦環曲榭蠍蜥繞茅舍權作聽梵音清機忘炎夏鼓吹兩部餘不復問官私池門應多情孤興將何之明月東井起繁聲尙聒耳靜夜喧四鄰百千跳活水水色清且深煙雨隔叢林不復辨陰雷歷亂東西潯

麻子池

左輔之沙苑白沙如白水一池水隈沙厥名曰麻子岸廣不計程東西復邈迤阜壘壘連苔青寒不死有時露鹹鹹朝闕而夕市深林蕭霜白撼撼涼風起于垤老鸛鳴入水唼浮

魴勿言水不深澄泓誰得似豈必裴奉石轉恐礙崔華有時
賦歸來見之色輒喜爲續沙苑行杜老未及此

悼菊三十韻有序

齋之西時紅菊一本雅愛之移置堦前以繩週匝作
籬落於簾內設一几一榻每當茶煙輕颺蝶翅紛飛
之際對而遣興哦詩娟娟然靜好也夫已氏惡而夜
踐焉猝聞戶外窸窣聲持火出視則菊已仆矣嗟乎
石醋醋爲封家姨所撓崔元徽作朱旒護之得免其
災僕本恨人况一花猶不能保愧崔處士良多矣於
是懊惱終宵不能成寐起作長歌不自覺其言涉於

勿待軒詩集存藁卷一

三

懟有華小雅怨悱之旨爾

秋花本宜憐况乃紅菊好色艷如丹楓疎影伴紅蓼荷畚移
閒階頗矜位置巧晨夕勤灌輸度幾赤能保浸潤三五日弱
枝始低鼻採花欲挿髻掇英思釀醪不須羯鼓催豈用金鈴
繞梧桐一葉落秋風殷勤掃愛此斗室前清竈而窈窕相對
輒軒渠取次供詩藁云何一夜黑哭如來童狡俗眼迷碧朱
急性復悍慄呼菊菊無言彌用增懊惱懊惱猶未消紅芳狼
藉倒主人爹戶出且培且私禱葉萎根並摧自忖明朝槁女
豈封家姨十八年天姣女豈青城女肅肅殺秋草竟爾逞狂
威結怨不在小折我五彩幡使我心顏慄我爲司香尉花枯

香已了安望周少夫餐實延壽考亦有醜面目胡爲靚顏少
思欲見其人鬼蜮莫能曉吁嗟晚節香百六尾運早非伊花
奴虐只緣風波攪老圃淡無言寂寞秋容老何日能抒懷一
一伸枉撓喟然長歎餘且復移檄討願告柴桑叟慎勿罪予
譎

孟冬感懷

冬夜感離索月明窗未閉迢迢客何居慄慄寒初至欲條收
帳台木萎蕤草薤霜花凝作雪連日雲陰翳風發自西北撲
面輒沮氣偶茲故人來圍爐擁襪被嗟予弟遠行冬衣知否
寄隴西五月寒况乃值晚歲感念擣寸心申旦不能寐

勿待軒詩集存藁卷一

四

夜雪

皎潔階前雪照我室中白室中何所有四壁羅圖籍爐火餘
殘煙坐久寒侵骨簌簌風威來陰霧迷南北且復啟戶看但
見素色積傾耳聲響希夜分仍未歇須臾銀缸殘窗明似映
月

華下西嶽廟五鳳樓爲雷火所災紀異

雷火未焚時廟貌雄千古雷火止焚時砰訇鳴天鼓危樓有
廢興五鳳復翔翥天雷一何威大火一何怒電影掣金蛇空
濛條微雨豈真天取龍况復風縱虎丹梲與雕梁一炬成焦
土壯哉金天宮空留墻百堵嗚呼天降災人力豈難補

莘野懷古 在陳留縣

驅車梁苑東逕迤莘原路餘風崇耕織安業供公賦川原毓
秀奇前徽足景慕緬懷囂囂樂千載美奇遇三聘苟非誠煙
霞疾終痼適夏五自毫彼昏終不悟誰爲後起者聯袂遵前
步落日亂山銜人喧汴水渡暮色何蒼然徙倚望雲樹

貞孝詩爲朝邑張鸞鳴妻党氏作

党氏寒家女麗質等蘭芷少未嫻女箴長能識倫理結縭家
苦貧紡績供菽水姑曰新婦賢舅聞亦色喜條焉黃鵠歌悲
痛感鄰里宿極寒煙生素幃秋風起投繯將畢命吞聲扶靈
几轉念高堂親垂暮缺甘旨忍淚佐滌瀝一如夫未死胡期
勿待軒詩集存藁

卷一

五

遭閔凶後先失怙恃破甑空餘塵葬脫簪珥從今死方甘
飄然赴蒿里鴛鴦集連枝千載嬌雙美緬懷南安妻孝順播
遠邇殉夫志已決猶自釀清醢勉奉尊嫜兒今長已矣九
京對亡人誰復念考妣何如張氏婦貞並孝全美吁嗟巾幗
賢萬世扶綱紀

讀桐閣主人傳 有序

桐閣主人李時齋師綜其生平之學問行能自爲傳
也同學王子維戊旣書其後先登復作五言長歌以
續之

雍州古奧區人文代有作文星躔井鬼靈秀鍾河嶽橫渠破

天荒阜比闐絕學繼起非無人羣儒尙謠誅我師出曠代弱
齡見頭角器宇何深沈金玉重渾璞潛心探理窟發明濂閩
洛文章軼秦漢上而窺渾噩目無未見書奚論丘與索胡以
紹前徽力行守博約胡以啟後進蒙養啟蒙鑄亦輒上雲衢
旋復阻淵躍窮達視一致幽栖老桐閣言教兼身教俯仰期
無忤圖報僅科名立志已先薄純儒何代無大道看宏廓惟
敦學各半德修自罔覺丹鉛勤黜勤往往徹宵柝日月期邁
征垂老愈豐鏤厥學信淵邃厥品復端卓伊昔海忠介自奉
甘淡泊新脯事高堂雖豐不踰幅我師師古人分外何足樂
家庭亦爲政世網難束縛皎皎圭璧姿光明含磊落蠅營空

勿待軒詩集存藁

卷一

六

止樊雞林矯孤鶴如逢關尹喜猶龍烏可度學於古爲富齋
居思髦髦豈一露懷抱視之質且慤風發條踣厲文陣驚廉
錫鴻筆扛周鼎麗句珠錯落洋州老舍人月旦慎斟酌歐會
今再見此語非無著中原驅莽蕩知音契蘭葯小子負笈初
年甫舞象勺北面仰儀型鈍質古朽鑿循循善誘餘下不遺
糟粕良工無弃材凡木猶樸斲學與年俱進年高德彌綽桓
榮稽古力胡弗登講幄卽未塵餘甑僅餘田負郭披月帶經
鋤非計伸尺蠖卿環闢福地老志欲茲托關學久不振榛蕪
賴開拓一代蔚儒宗正氣豈容剝著述滿名山襟懷仍淵邈
日暮車馬紛獨自臥巖壑

擬元微之八駿圖詩

穆王耄年荒遺山晚節改詩題八駿圖無乃心有在憶昔馳騁遊鸞旂日耀彩朝賓西王母逮暮宿南海豈真遇神仙此圖空千載高角御奔戎赤龍逐騾駟方驚神奇技視遠若尺咫轟轟進雷鳴勁疾狂風駛長途車不歇終年魄不禱祈招雖有歌駕復雞鳴起吁嗟八駿雄奇乃奇如此千里猶喻言何況三萬里披圖發浩歌惟期保終始

姜愛珊任涇陽尉值五月壽辰詩以贈之

鼎州古名郡錦峪峙其前環以龍洞渠蜿蜒清且漣山川一何幸聿來少府賢敬問少府何弱冠名高騫英聲蜚藉藉文

卷一

七

勿待軒詩集存藁
雅著安安章映青袍艷花隨紫綬鮮昔時南昌尉今日雲陽仙判司有餘暇把晤良非難檻倚觀魚好堂開射鴨便苔苔同吳味鎮日樂盤桓愛往頻偕夢思來儼對餐非我沉心曲惟君令德完天中值佳節適慶長生年杯泛雄黃酒筵堆角黍盤雕俎鳳髓滿玉釜金鼓煎何當擬清輝明月滿碧天萬里同一照可望不可攀穆如明庶至芳甸拂無邊年年到蓬戶黍谷頓銷寒顧余絕世嗜抱饑需琅玕臯比徒坐擁深愧古鄭虔落月與停雲懷舊意惘然瞻言安所贈景福願如川

代婦留訣七首

有序

妻氏黃夙通文墨殫殫床褥間知病將不起窗前囑

囑私語自述其生前與託其身後事切囑代爲訣詞以志隱痛杜詩云死別已吞聲生別長惻惻此際此情尙復何能成句然究不忍拂其意也爲勉作七首筆未綴點淚卽隨之潘安仁元微之若有知將毋怪予無喪而戚也耶

其一

寒月慘淡色照我室北隅厥篲催朔雪凜凜歲云除嗟予遭艱苦曲房少歡娛側耳南簷角中宵鳴怪鳥長當從此別且復延斯須安得強視息淚盡血欲枯晝晚黃昏後宋宋人定初生命知不長奄忽歸黃壚傷哉望夫石臯復一何呼吞聲勿待軒詩集存藁

卷一

八

今已矣凄然長簞虛

其二

結髮十三載翠帷易素幙迴首錦堂歡傷心彩雲散今夕伊何夕霜寒燈影暗幽闌一夜扃沉沉徹明旦嗚咽語還長刺促時已暫妾自負君心君心勿悲惋前路悠且長臨風刷羽翰天闕誠由天浮生泡影幻願爲蒙莊達莫作潘岳歎春華能幾時晨夕加餐飯

其三

凄凄復凄凄憶我初嫁時金縷流蘇敲蹀躞生光輝紅羅複斗帳四角香囊垂箱奩列个个綠碧紛堆墀云何歲一紀生

死翻別離鬼伯暗催促命如風前絲病骨尙支床起問夜何其憐妾小兒女失侍將安之君行須珍重風露慎驅馳兒輩雖無母猶爲有父兒華林比翼鳥何時復雙棲牛渚有夙緣來生以爲期

其四

高堂有祖母行年踰大耋可堪兒女心垂老成永訣不見心還戀見之腸幾裂欲哭聲全咽欲語舌仍結悠悠百年內形影相隔絕衾衣待誰理膳羞倩誰潔握手一長歎負負將何說勉收老淚橫恐添雙鬢雪

其五

勿待軒詩集存藁

卷一

九

阿環與阿娥年方及吟絮約繚迫秣時反令阿母劇阿田垂九齡之無識有數飲食而教誨一一勞顧慮旣爲阿環姆旋作阿田傳吁嗟桑榆年一歲更多故光陰如擲梭淪落等朝露蘭蕙誠易萎荆棘胡不固悲風生白楊一夕歸大暮望君賦凌雲來章有慶譽含淚囑良人早爲阿田娶將妾未盡心補自阿田婦

叶預陳琳飲馬長城窟詩邊城多健少內舍多寡婦作書與內舍使嫁莫留住

其六

傷哉小晚兒甫能離襁褓三碎差可人聰慧仍姣好慣吟黃鶯兒宛轉珠喉巧憶我昏耆時憂心正如擣默下蝦鬚簾藥鑪煙篆裊兒來偎我前含笑索梨棗我憂頓冰釋我疾如風

掃胡爲妖夢滋粧臺明鏡香不復母將雛焉能牽衣遶此痛記年年縈結何時了

其七

回頭語阿妹各各涕泗滂生年不滿百歡愛雜憂傷仰視參與辰中心摧以愴

叶初良切王逸九思蚺蚺兮嚙嚙蛆蛆兮攫攫忽忽兮惟暮余感時兮悽愴

我紫綺衣開我翠雲扇整我玉爵釵疊我金縷裳我有三弱息好自相扶將銜泥營舊巢雙燕任翱翔哀哀阿母逝難覓震靈香姊命復不祿行復會姑嫜人非金石質可堪寸斷腸相思空復情相從欲何方魂兮歸來日幽明兩茫茫

勿待軒詩集存藁

卷一

十

七古

農家歌爲柴明齋作 有序

明齋朝邑人孝弟力田家繁食指相率耕作秩秩如也歿有年矣厥子登恒具其事來求辭爲作農家樂章意雖質而詞近俚姑以當野語云爾

噫嘻農家樂農家之樂樂如何五畝桑陰十畝禾主人攜鋤荷笠簑次兒治畦畦如郢大兒決水水如河最小嬉戲輓轆轤畔臨渠跳沫復翻渦今日祝苗長明日祈實多不知何日築我場枷板碌礪共婆娑但見主人有主婦饁彼南畝停纖梭忽憶滿箔絲乙乙大蠶成繭小蠶多蠶日長絲可搓賣爾十勿待軒詩集存藁 卷一 十一

禱雨歎

緊嗟皇天苦大旱不雨將奈何我聞真定渰沱古惡池有神名辣司滂沱又聞九穴同流九龍祠沛澤立應元亞哥能禦大災則祀之詎曰淫祀理或頗五日不雨已無麥十日不雨並無禾云何祝融驅魃鬼令此下民病薦瘥下民復何

臺極目川原赤地多川原寸草旣殲矣況復箕伯終日雷霆干太和禾旣稿兮麥復枯村鄰雜遝鳴鼓鑼我聽哀籲之聲極慘慄竟無雷電起山阿毋乃肥蠅久爲祟誓將斬其六足四翼投於河儻云羶羊欲起舞我且焚香望嵯峨五技三刀事俱窮疾首蹙額嘆坎圻火傘日熯火車翻處處巫覡舞婆娑披星戴月禱神示敢言餽牽竭則那史禁河伯之娶婦河伯不雨伊誰訶或傳華下李靖碑斬金天首非屬訛吾謂虔誠供稷黍庶幾風雨奉龍驅早魔吁嗟憂心熾如焚用擬齋戒延祝鮀虔禱桑林責六事擬續雲漢作長歌但祈甘霖忽灌注平疇百畝湯盤渦行看顛顛三農少奔波夫何憂乎皇勿待軒詩集存藁 卷一 三

慶豐年

去年耕父害糜芑突煙家家寒不起今年雨暘幸時若耕耘之力頗可恃小麥猶青大麥熟實穎實粟供匙匕不知明日登我場稍補昨歲乞穀否黃鸝一聲樹杪間農簑幾箇朝陽裏摘彼刀豆盈懷袖午飯歸來餉妻子載麥尙未約隣翁且炊麥索色先喜縱非指囷應辰辛差免登山呼庚癸我家亦有負郭田未知畦畛果奚似東風吹送麥花香撲鼻逮暮香未已一望郊原黃雲稠豐年之樂行轉矣

搗衣曲

長安八月秋風起門臨曲江一池水誰家思婦懶登樓獨拭
清礎明月裏礎杵振響高入雲遠樹寒煙望不分憐妾深院
白露濕知君塞上黃雲屯黃雲擁馬驅邊地漁陽鼙鼓終日
試獵獵天風秋草枯爲惜寒衣無人寄寒衣猶沆舊淚痕一
番潸潸一傷神長別十年無一字安知衣到曾見人隔屋鄰
女戀新嫁紅綃白紵終子夜何堪嫁後苦寒人礎聲又咽淚
聲下漫漫愁緒自難禁莫令君聽空外音歸來夜半寒霜降
落葉階前寸寸深

中秋與諸同人登南樓賞月有懷王信庭張子方二妙

詩以代柬

勿待軒詩集存藁

卷一

三

君不見羅公持杖向青天化爲虹橋碧漢邊又不見趙叟捫
蘿登天柱積陰直上到峯巔此良宵無佳興便欲後會恐
茫然銀屏花燭苦夜短胡不移榻對闌干須臾一鯨驅萍梗
蘭缸淡淡淨無煙清光四十五萬里湧出中天孤月圓高張
彩幄橫匹練河明似鏡山如拳烏鵲南飛還繞樹隔院誰家
水調彈瓊樓玉宇真天上貝闕珠宮異人寰條欵寒光迷四
顧喧闐直欲衝雲端盃盤狼藉既醉止鳳絲雁柱雜箏絃千
林羃戀風戢戢亂飄桂子落華筵瀛臺十二高如許髮鬢對
舞霓裳仙坐攬清輝觀川印漫言蓬壺未可攀就中一人樂
未央銜杯不酬非無緣憶昨長安開文戰鴻筆迅掃巨如椽

舉目一視餘寥濶碧落挂出水晶盤今夕歡讌復何夕一南
一北兩地看况復登樓與泛渚談論達旦是何年勸君勿遽
發惆悵文人之聚如珠聯二十年前各意氣百餘里外共嬋
娟奄聞子語耳重熱傾樽直罄杖頭錢我不知世有葛勾滿
洪崖丹竈汞銀鉛我不知古有赤松子經騎玉蚪入廣寒或
言神仙之事終惆悵文成五利安在焉何如乘興吸滿卮仰
視北斗發酖顏丁丁蓮漏復急促數聲漁唱夜欲闌濛濛香
霧涼溼衣坐對簾櫳歌短篇天雞一唱翻金虎飽看滄桑一
夜間

邵陽王節婦歌

勿待軒詩集存藁

卷一

四

君不見紅絲繫燕燕分飛分飛去去不復歸又不見篋裏皮
金剪作字望舒夕缺拋紅淚此情此志難與明井底波瀾寒
無聲繁賢姝兮洽之陽蘭比秀兮菊比芳椎髻擎拳修婦順
錦心執質勵清芳無何黃鵠一曲悲殘帳寒燈滅光輝孤絲
盡感媚娥泣鄰蘭都成寡女絲吁嗟乎世間輕塵棲弱草誰
向巾幗留古道賢媛苦節報所天泉路冥冥心皎皎願言當
代採風人千秋閨範重古華賴茲史筆揚彤管使彼貞魂著
碧筠槐庭轉盼來鳳使輝煌 丹詔下楓宸

柴秀峯先生持乃翁紀誠詩卷索題爲作長歌應之

桐閣盡日過客稀眼見詩筒來自西開緘恍閱異行傳傳說

柴翁事大奇柴翁其事何奇爾其詳具載紀誠詩我讀詩卷
發浩歎信古人兮莫與追憶昔辛酉遘陽九旱魃爲虐靡子
遺三輔赤地枯千里日日河干聽怨咨聞言華下蒿密略有
神曰艱如兩師七十老翁心傷感遘恤百里路嶮巖戴蒲徒
跣足重趼呼籲惟冀龍媒悲修忽雷電掣金蛇滂沱不待翁
之歸翁既歸矣禾盡起號咷後笑衆熙熙或曰往昔秋霜漲
翁之父墓幾濱危以身衛墓親有舍爲衆奔禱理固宜余聞
其言曰否否世有幾人如翁爲皇天降災洪水溢此邦久患
陽侯威金隄再决田廬沒遘卹穴壙遭陵夷况當斗米萬錢
日富人誰肯慷慨施子與奉喪江水減戴封積薪甘霖滋如
勿待軒詩集存藁卷一

五

翁二事積誠懇默感天心未可知噫嘻柴翁事大奇積善餘
慶决無疑秀峯老子誠令事表乃翁德徵文辭感翁至誠爲
翁詠安得如翁遍告之

祝李太師母九十

人間青鳥報佳節天上寶婺光蓬勃誕毓仙母幾千年龜息
鶴算添白髮白髮老人多龍鍾矍鑠精神號女宗玉環樹茂
金母宴紅蓮花映玉女峯峯下洪河九折流我師崛起足千
秋室羅丘索並墳典日侍萱堂坐校讐絳幃傳經桃李艷壽
母期願祝天眷五百四十花甲周三萬二千松齡健堂前四
照花齊開森森蘭桂繞膝來秋高氣爽華筵敞金風蕩漾長

命杯和以玉漿切以藕更進王母桃如斗雲瑤一曲奏廣寒
諸仙羅列齊拜手拜手稽首登壽筵霞觴祝嘏辭翩翻師門
一代鴻文萃吳綾蜀錦紛如煙憶昔挾策頻北上倚門倚闥
勞悵望勉供甘旨轉獲嘖時虛黎藿缺終養今日寸草戀春
暉白雲子舍無時違縱非河陽板輿奉卽此承歡世亦稀君
不見老萊肥遯慰慈親啜菽飲水不辭貧借問斑衣階前舞
何如絕裾富貴人

晉荀崧之女灌笑圖求救歌

荀家女兒年十三翠羽明璫擁雲鬟會學大娘舞劍器幾回
盤馬弓欲彎在昔杜曾肆趨黠荊州坐困外援絕誰效一矢
勿待軒詩集存藁卷一

六

乞賀蘭壯士誓慷慨不發女跪父崧前致辭請從故吏得徵
師父意猶憐兒窮窵兒身那顧血淋漓淵淵撓金復伐鼓精
選健卒嚴隊伍便從此夜齊辦嚴刁斗寒聲雜風雨此時相
望不相聞帳下歌舞泣美人須臾重圍圍突突出回頭殺氣滿
城闔薨殘一了一了了隔是宛洛方集蓼妾身自領孀子軍
妾父肯修降賊表願得太守掃櫓槍銜枚疾走發襄城更兼
周撫率鐵騎碎萍但聞人馬聲大者奔伏小者死狐鼠秋葉
安足恃漫云典午羞巾幗的是班門奇男子吁噓李毅女稱
奇拔草曾破五苓夷借問麟閣圖戰績何如宦索未嫁時

讀平淮西碑

忽有鴻筆掃鯨鯢淋漓朗誦淮西碑淮西功業冠吾唐

用成

淮西文詔歸昌黎伊昔元和十二載吳師不庭蕩邊海大雪

一夜蔡州平偃旗息鼓聽奏凱皇帝受捷御丹墀日度日愬

實平治冊功之碑詔韓愈愈拜稽首謹陳辭此時筆端勢鬱鬱

勃吮墨染翰不停綴須臾文成獻至尊千四百字光日月屹

爾淮蔡百尺開化工呵護驅雲雷金石擲地聲抗墜如見當

年鐃鼓回唐安公主入禁掖妻非讒口銷貞石是或著作犯

天愆轉令文章妬巾幗推小錯磨古道旁陰風慘淡日無光

蓋代鴻烈墮灰劫圖橋行人弔夕陽別有嗜古宋陳昞仆而

復起愜衆望簪之書敘與詩銘彼段文昌庸有當悠悠閱歲

勿行軒詩集存藁

卷一

七

九百年斷碣疑有蛟龍蟠義山流沫手生胝東坡欲作山斗
攀鳴乎神明不可測若藉一毀更增色我懷高文裴相祠他
年駐馬待拂拭

韓原戰場歌

君不見韓原一帶山水幽折戟沉戈歷千秋行人驅馬日欲
落道旁擁出古髑髏借問此地胡爲爾傳是秦晉交兵之荒
邱憶昔韓侯初受命奕奕梁山控金甌王公守國惟設險左
跨臨晉右同州龍門禹鑿若伊闕放出洪河東南流入煙輻
湊安成富百年不見兜與鑿云何食言以背惠頭令甥舅作
仇讐匹馬隻輪無一返二陵風雨不勝愁千乘三去獲維狐

旌旆悠悠聽鳴騶蓬茸野草猩紅染白骨歷亂何人收有時
螢火飛秋夜幽咽不斷鬼聲啾戈鏹之下無生命虎額將軍
博封侯祇今懸弔成往古存亡興廢總同休黃沙白草浩無
垠但見日慘雲黯風颼颼

新疆回部張格爾煽亂就擒西域底定擬元微之和李

校書縛戎人新題樂府次韻

丙戌之歲冬十月狼弧爛熳光如孛占主外變慎防微慮有
蕃戎肆侵軼於維我朝膺圖錄四隅安宴息征伐回鶻入
貢夜郎朝誰奮螳臂當王轍何期克監煦濡恩蚊蚋之屬恣
猖獗首發大難抗明詔耆羌鼻息並連結廝養盡是渥洼生

勿待軒詩集存藁

卷一

六

疊疊坡陀縱超越諸番酋長驅健卒披堅執銳不可捫騷然
簸蕩無牽掣深入險阻復蓬煇性情與我本殊異地勢狎習
耐冰雪是時承平無事秋驚聞變亂出恍惚敢云無憂安如
堵且看調遣日不歇函關一帶車馬紛耕市不變嚴有節郵
停傳置勤供給時懼狐鼠勢衝突長驅玉關萬里外朔風颼
颼吹寒鐵震電憑怒色不艱何庸小醜餘齟齬庭振旅擊
東甌終軍請纓繫南粵犯我郊保捷命更大不克明須殄滅
祁連徑度列鸞鶴勢欲掃蕩龍窟窟簞食壺漿逐時雨我徒
我御競奮發官軍部落以萬數下令渠魁盡殲厥脅從罔治
徵至仁國家奚事憂輓輓縛囚入檻逮神京公麼小醜繫

魏闕天兵一下棘戎平不假我

后仗黃鉞更有潛圖

不軌者備聞此舉胥服帖被髮衣皮仍朝正茹醬來庭凜震

懾於戲

皇威孚遐邇豈敢定居月三捷信茲

神武真不殺蠹爾蠻荆自顛蹶但看南冠繫楚囚萬性恬嬉

戎咽

浪歌寄仇海涵卽以祝母陳孺人六十

對山之名仇君字海涵奕奕才甚雄昔曾與君共筆硯同爲
泮漫學屠龍別來無幾僅匝月何能一日慰曲衷斂昏門外
聲剝啄有人遺我鯉魚封爹戶而出還倒屣忽如故人來清
風讀其書情見乎詞乃是慈帷設悅萱堂加爵之詩筒嗟予

勿待軒詩集存藁

卷一

元

潦倒久踈慵記從此役違歲中愧非曹劉慚大敵祇宜刻翠
與剪紅雖復沈謝陰何比嘖嘖亦難咽寒蛩繫惟仇氏母朝
挽鹿夜丸熊固應亢宗毓宏通厥惟仇氏子遠紹蒲亭胄近
接瓊山宗裴聲文苑滿關東以吾一日長乎爾嶙峋藻績相
磨礱天寒煮茗圍爐夜記談墳典吟梧桐奔蹏不欲老轅下
掉頭西去海天空揮鞭走馬長安道五陵遠眺青濛濛況復
風雪供詩藁灞橋款段隨奚僮轉念高堂髮垂白白雲子舍
飛髻鬆榻來初度兮正嚴冬瑞迓玉女兮降芙蓉我欲斬厥
霧縠木節以鳩形作仙筇又欲引彼種蒼泉酌以蠶尾助華
容翻恐東方曼倩偷桃峯海安期獻棗又厭百崙與千鐘惟

有陵騷轢風手擬鼓雲璈響琤瑤質而述之辭不斐少選母
範彰珥彤古來歐陽少師陶太尉經訓克家涼與同或疑章
帶終未解文望顯親不爲窮君篤內行能信友菽水豈必減
三公椽燭輝煌華筵啟照出仙姆顏籠鐘濡毫吮墨歌未闕
但見碧海溶溶磨青銅

擬越人歌

念所悅兮在中流伊今何幸兮得與朝暮泛舟擁楫高唱兮
不招尤恥忘勢利而不尙兮誰如王子深在根兮茂在枝君
漠然兮我心知

孤兒行樂府

勿待軒詩集存藁

卷一

三

予自往歲五月失慈蔭又六閏月遭莊在之戚弟妹
子女伶仃一室慨我躬之不閱傷弱息之無依重有
感焉作孤兒行

孤兒生孤兒遇生數厄陽九父孤兒孤災不獨受父曰父無
母父有婦可使兒頭無蟣蝨衣無蒙垢兒曰兒無蒙垢蟣蝨
賴有母兒有母父勝文囿獵藝數兒無母父析無縣衣室無
升斗呱呱一室饑驅寒走入空房還顧我兒我兒淚綆如縻
母也仁慈一旦棄兒寒冬十二月尾畢逋使兒饑不能啖手
豚豚足下無扉衣多蒙垢頭多蟣蝨兄弟姊妹清涕漑漑欲
見母不得父腸月中愴悲酸代婦職晝視兒飯夜視兒寢息